

# REPUBULIKA Y'U RWANDA



## MINISITERI Y'ABAKOZI BA LETA N'UMURIMO

### IJAMBO RYA NYAKUBAHWA JUDITH UWIZEYE, MINISITIRI W'ABAKOZI BA LETA N'UMURIMO MU KWIZIHIZA UMUNSI MPUZAMAHANGA W'UMURIMO

**Kigali, *Special Economic Zone* , 01 Gicurasi,  
2017**

- **Nyakubahwa Minisitiri w’Intebe, Mushyitsi Mukuru wacu;**
- **Nyakubahwa Minisitiri ushinzwe Imirimo y’Inama y’Abaminisitiri,**
- **Nyakubahwa Muyobozi w’Umujiyi wa Kigali;**
- **Muyobozi Mukuru w’Urugaga rw’Abikorera mu Rwanda;**
- ***Chairperson* wa CESTRAR;**
- **Bayobozi Bakuru mu Nzego z’Imirimo ya Leta no muz’Abikorera muteraniye hano,**
- **Abakoresha n’Abakozi muteraniye hano;**
- **Bashyitsi bahire,**

**1. Mu gutangira munyemerere mbanze nshimire cyane Nyakubahwa Minisitiri w’Intebe waje kwifatanya natwe akatubera Umushyitsi Mukuru.**

**2. Nyakubahwa Minisitiri w’Intebe, mu izina ry’Abakozi n’Abakoresha bose, ari abari hano n’abadahari, turabashimiye cyane.**

**3. Turizihiza Umunsi Mpuzamahanga w’Umurimo ku Nsanganyamatsiko igira iti “Duteze Imbere Umurimo, Dusigasira Ibyagezweho Dukeshya Imiyoborere Myiza, Isoko y’Iterambere rya buri Wese”.**

**4. Imiyoborere Myiza irangajwe imbere na Nyakubahwa Paul KAGAME, Perezida wa Repubulika yatugejeje ku byiza byinshi tugomba gusigasira.**

- **Nyakubahwa Minisitiri w’Intebe**
- **Bashyitsi Bahire muteraniye hano,**

**5. Mu byigenzi byinshi bimaze kugerwaho harimo gushyiraho amategeko, harimo n’agenga ubwishingizi bw’umugore wabyaye, na za politike zinyuranye zifasha guteza imbere umurimo; no kunoza imikorere n’imikoranire hagamijwe kongera umusaruro.**

**6. Hashyizweho uburyo bufasha kugira, kumenya no gusesengura amakuru ajyanye n’isoko ry’umurimo (*Labour Market Information System*).**

**7. Ibijyanye no guhanga imirimo biri mu bigenderwaho mu Mihigo y’Inzego zinyuranye za Leta, aho izo Nzego zisabwa kugaragaza uruhare rw’ibikorwa ziteganya mu guteza imbere umurimo.**

**8. Ubu hariho uburyo buhuriweho n’Inzego za Leta n’iz’Abikorera zifatanyiriza hamwe mu Mihigo igamije guteza imbere umurimo (*Job Creation Joint Imihigo*).**

**9. Kubaka ubushobozi bushingiye ku bikenewe ku isoko ry'umurimo bikomeje gushyirwamo ingufu haba mu gushyiraho Inzego zibishinzwe by'umwihariko ndetse no gushyiraho politiki zo kubaka ubushobozi bufasha mu iterambere ry'Igihugu.**

- **Nyakubahwa Minisitiri w'Intebe**
- **Bashyitsi Bahire muteraniye hano,**

**10. Mu kuvuga imiterere y'isoko ry'umurimo tuzirikana ko Abatuye u Rwanda bagejeje igihe cyo gukora kandi babishoboye utabariyemo abakiri abanyeshuri bagera kuri 5,590,000.**

**11. Mu Banyarwanda bakora 68% bakora imirimo y'Ubuhinzi n'Ubworozi naho 32% bakaba bakora imirimo itari iy'ubuhinzi n'iyunganira iy'ubuhinzi (EICV4) harimo 10 % bakora ubucuruzi butandukanye, 5% bakora mu bwubatsi, 2% bakora mu nganda , na 2% bakora mu gutwara abantu n'ibintu.**

**12. Bigaragaza ko ibyo gukora bigihari mu rwego rwo kuzamura imirimo idashingiye ku buhinzi arinako ishingiyeye ku buhinzi irushaho kunozwa.**

- 13. Mu biteganijwe mu gukomeza kunoza umurimo, itegeko rigenga umurimo ubu riri kuvugururwa mu bufatanye bwa hafi n'inzego zose bireba: iza Leta, iz'Abikorera n'Amashyirahamwe y'Abakozi.**
- 14. Politike y'Umurimo (*National Employment Policy*) nayo ubu iri kuvugururwa.**
- 15. Ibi byose bigamije gukomeza kubakira ku byo tumaze kugeraho mu guteza imbere umurimo no gukemura burundu ibibazo aho byagiye bigaragara.**
- 16. Mu bufatanye n'Inzego zose zaba iza Leta, iz'Abikorera na Sosiyeti sivile, tuzakomeza gushyira ingufu nyinshi mu bikorwa binyuranye biteza imbere umurimo, dushingiye ku miyoborere myiza n'ibyo imaze kutugezaho.**
- **Bashyitsi Bahire muteraniye hano,**
- 17. Ngana ku musozo ndashaka gushimira Abakozi haba mu Nzego z'Imirimo ya Leta, iz'Abikorera na Sosiyeti Sivili bitangira umurimo bagakora cyane bagamije ko umurimo ukorwa mu buryo bunoze kandi ku gihe; serivisi zigatangwa neza.**

**18. Ndashimira kandi Abafatanyabikorwa bose dukomeje gufatanya mu guteza imbere umurimo.**

▪ **Bashyitsi Bahire muteraniye hano,**

**19. Munyemerere nsoze, bityo tubone umwanya uhagije wo kumva impanuro z'Umushyitsi Mukuru wacu, Nyakubahwa Minisitiri w'Intebe.**

**20. Ni impanuro tugomba gutega amatwi neza kandi tukiyemeza kuzishyira mu bikorwa vuba kandi neza.**

**21. Munyemerere rero nongere mpe ikaze Nyakubahwa Minisitiri w'Intebe, atugezeho impanuro yatugeneye uyu munsi.**

**22. Mbifurije Umunsi Mwiza.**

**23. Mugire Amahoro.**